

257

(...)

Presta(ti)on de serement de m(essieu)rs
les consulz de villemur faict entre
les mains de m(onsieu)r de la moliere

L()an mil six cens vingt six et le vingt quatreie(sme) jour du
moys de juing avant midy dans le ch(â)teau de villemur
etc regnant louys etc en p(rese)nce des tesmoingz bas nommes et de
moy no(tai)re pardevant messire augustin oiselier seigneur
de la moliere gouverneur pour sa mageste au ch(â)teau ville
et viscomte dud(it) villemur capitaine d'une compagnie
au regiment du s(ieu)r d()estissac et maistre de camp d()ung

regiment de gens de pied po(u)r le service du roy se sont p(rese)nte
messieurs m(aî)tre gabriel prouho bachelier ez droictz arnaud
benoist no(tai)re royal pierre dugry marchand et()jean navech
~~consulz~~ prins et choisis par mond(it) s(ieu)r de la moliere de huict
qué en avoit este nommes par les consulz de l()annee passee
et approuves par les habitans a luy presentes po(u)r leur
succeder en lad(ite) charge consulaire et l()exercer la p(rese)nte annee
lesquelz estans a genous teste descouverte tenant les mains
sur les s(ainc)tz evangiles tenues par mond(it) s(ieu)r de la moliere
ont promis et juré par serement d()exercer leur charge
fidellement estre bons serviteurs du roy et en cas quelque
chosse sé tramerait contre le bien de son service lé [tenir]
a mond(it) s(ieu)r de la moliere incontinant qué sera venue [a]
leur nottice et a la fin dé leur annee feront bonne
nomina(ti)on de huict personnes cy douees et capables
po(u)r le(ur) succeder en lad(ite) charge et po(u)r d()iceulx en estre prins
et choisis les quatre qué bon semblera a mond(it) s(ieu)r de la [moliere]
ainsi l ont promis et juré ez mains de mond(it) s(ieu)r de
la()moliere et m()ont requis a moy not(air)e leur en rettenir a[cte]
ce qu()ay faict p(rese)ns m(aî)tre jean de furbeyre docteur en dr[oictz]
jean arnaud bourgeois et pierre cases prat(icien)z de vill(emur) habit(an)tz sig[nes]
et desd(its) s(ieu)rs consulz ceulx qui sçavent et moy no(tai)re

Lamoliere Prouho

Benoist Furbeyre, p(rese)nt

Arnaud, p(rese)nt Cazes, p(rese)nt

Esteveverin, not(aire)

[...] : reliure serrée.